

Տապանաքար մի տեսայ քօղոզի ձևով. մի հատ ևս թուրքի փաթթոցաւոր զլխարկի ձևով ևլն. ևլն: Գերեզմանատանս արևելեան կողմն 100—150—200 մեթր հեռիներն հողի տակից նաև գտնուած են սրբատաշ գերեզմանաքարինք, զինւոյ կարասներ, միւռոնի շիշ...: «Տէր Գաւիթ»ի՝ գերեզման մի կայ խորանի առջև, ուստի բարեպաշտ հայեր հող կը տանեն՝ հիւանդաց բժըշկութեան և իւրեանց արտերն ցանելու համար, որպէս զի բերքը առատ լինի, անապականելի մնայ:

Եկեղեցւոյս յատակն գարաններ են եղած և շատ խոր:

Ծերք կը պատմեն թէ. — եկեղեցւոյս զօրքը շատ է, չուխտակ վերին (վայրի ոչխար) կիգէր, զուր զրխ վըր շեման կը դնէր ու զուր կը մատղէր . . . և թէ տարուէ տարի եզնիկներու եղջիւրներն եկեղեցւոյ որմի վերայ կը անկուէր, առ ի յիշատակ հրաշագործութեան. մի օր այս եղջիւրներու վերայ թռչուն մի կը թռաի, այս զիւզը գտնուած Ենկի—Չէրի աղասին հրացանը կուզղէ որ գնդակով սպաննէ թռչնոյն, հայք կը զգուշացնեն, նա չը լսեր, Ենկի—Չէրին հրացան արձակելն ու ընկնալն մէկ կը լինի. փրփուրներու մէջ կը թաւալի. փափաք կը յայտնէ եկեղեցւոյն զոհ մատուցանել՝ բայց դեռ չարած՝ հողին կը փչէ:

Մաև ծերք կը պատմեն թէ եկեղեցւոյ խորանից գէպի հիւսիսային յարևելս մի կամար կար և թէ այս կամարը 150 մեթր երկայնք ունէր, որոյ վերայէն ևս ճանապարհ կար՝ զիւզացիք իրենց գործին գնալու համար. կամարի

---

1. Որչափ կը յիշեմ՝ Բագրևանդից Դաւիթ անուամբ մի մատնագիտ լինելու է ի նախնիս: